

TERBUKA PAINTBALL UMS 2009

Pertandingan Scenario Paintball Pertama UMS 2009 telah berlangsung meriah di ODEC UMS pada 28 Mac 2009. Perasmian program telah disempurnakan oleh Timbalan Dekan Akademik dan HEP SPPS, Prof. Madya Dr Hj Mohd Yusof Abdullah mewakili Timbalan Naib Canselor HEP dan Alumni UMS. Acara sukan ini telah dianjurkan oleh para pelajar Tahun 2 Program Sains Sukan, SPPS di bawah seliaan En. Anuar Din. Tujuan acara ini dilaksanakan adalah untuk memberi peluang kepada para pelajar menganjurkan acara sukan di samping mempromosi sukan paintball kepada warga kampus dan masyarakat umum. Acara lasak sukan paintball ini dilangsungkan di hutan yang berdekatan dengan ODEC UMS dari pagi hingga ke petang.

Sebanyak lima pasukan telah mengambil bahagian dalam kejohanan ini yang terdiri dari pasukan Pantera, Foxhound Special Ops, Foo Fighters, Mercenaries dan Outreacs Club UMS. Setiap pasukan diwakili seramai tujuh orang. Pertandingan dijalankan secara liga satu pusingan. Pasukan yang mendapat mata terbanyak dikira sebagai pemenang. Dalam pertandingan ini hadiah yang disediakan adalah berupa wang tunai dan medal serta hamper. Juara pada kali ini adalah pasukan Pantera yang membawa pulang hadiah sebanyak RM500, medal dan penginapan dua hari satu malam di Binsuluk Nature Resort serta hamper. Pemenang kedua, pasukan Mercenaries mendapat RM300 dan medal serta hamper dan pemenang ketiga pula pasukan Foo Fighters mendapat RM200 dan medal serta hamper. Hadiah penginapan dan Hamper ditaja oleh Binsuluk Nature Resort.

Kejayaan menganjurkan pertandingan ini oleh para pelajar program Sains Sukan akan memberi keyakinan kepada mereka untuk menganjurkan acara sukan pada masa akan datang terutama setelah tamat pengajian di UMS. Selain itu, penganjuran acara sukan ini dapat melahirkan insan yang berketerampilan dan boleh menjadi pemimpin terutama dalam bidang sukan yang diceburi nanti.

